

## საბარათო ტრანზაქციების ვალუტები და ვალუტის კონვერტაციის სქემები

### ტრანზაქციის ვალუტები - ზოგადი ლოგიკა

სს „პეისერა ბანკი საქართველოს“ ბარათები მულტისავალუტოა, რაც ბარათის მფლობელს საშუალებას აძლევს გამოიყენოს ერთი ბარათი რამდენიმე ვალუტის ანგარიშზე წვდომისთვის.

მულტისავალუტო ფუნქციონალი უზრუნველყოფს სხვადასხვა ვალუტებიდან ტრანზაქციების დამუშავებას. ეს ნიშნავს, რომ თუ ტრანზაქციის ვალუტის ანგარიშზე საკმარისი თანხა არ არის, სისტემა სხვა ანგარიშებიდან თანხის კონვერტაციით დაფარავს დაკლისს და დაადებეტებს შესაბამის ანგარიშს.

საბარათო ტრანზაქციების შესრულებისას გამოიყენება რამდენიმე ტიპის ვალუტა:

- 1. ბარათის ანგარიშის ძირითადი ვალუტა - GEL**
- 2. ბარათის ანგარიშის დამატებითი ვალუტები - USD, EUR, HUF, DKK, PLN, RON, CZK, SEK, GBP, ALL, AUD, INR, NOK, CAD, NZD, HKD, JPY, CHF, MXN, SGD.**
- 3. ტრანზაქციის ვალუტა** – ვალუტა, რომელშიც მომხმარებელმა განახორციელა ტრანზაქცია. ტრანზაქციის ვალუტა შეიძლება იყოს ნებისმიერი ვალუტა, მიუხედავად იმისა ბარათის ანგარიშში არის თუ არა შესაბამის ვალუტაში
- 4. კლირინგის ვალუტა** – Visa-ს მიერ გამოგზავნილი კლირინგის ვალუტა - GEL
- 5. ანგარიშსწორების (Visa settlement) ვალუტა** - EUR, USD

### კონვერტაციის ძირითადი წესი

- თუ ტრანზაქციის ვალუტა ემთხვევა ბარათის ანგარიშის რომელიმე ვალუტას და ანგარიშზე არის შესაბამისი ნაშთი → თანხა იჭრება იმავე ვალუტაში.
- თუ ტრანზაქციის ვალუტაში საკმარისი თანხა არ არის, სისტემა ავტომატურად მოახდენს სხვა ვალუტებიდან კონვერტაციას ტრანზაქციის შესრულების მომენტში არსებული კომერციული კურსის შესაბამისად.

- სხვადასხვა ვალუტებიდან თანხის ჩამოჭრისას ვალუტების რიგითობა განისაზღვრება ბარათის ანგარიშის დამატებითი ვალუტების ჩამონათვლაში მითითებული რიგითობის შესაბამისად.
- თუ ტრანზაქციის ვალუტის შესაბამისი ანგარიშები არ არსებობს → მომხმარებელს თანხა ეჭრება ლარის ანგარიშიდან ტრანზაქციის შესრულების დროს ბანკში არსებული კომერციული კონვერტაციის კურსის შესაბამისად

## ტრანზაქციები სხვადასხვა ვალუტაში

თუ ტრანზაქცია შესრულდა ბარათის ანგარიშის რომელიმე ვალუტაში და შესაბამისი ვალუტის ანგარიშზე არ არის საკმარისი თანხა: → სისტემა ავტომატურად აკონვერტირებს თანხას სხვა ანგარიშებიდან ბანკის კომერციული კურსის შესაბამისად.

### მაგალითი:

ბარათის ანგარიშზე მომხმარებელს აქვს შემდეგი ნაშთები შესაბამის ვალუტებში: GEL 0,00; USD 50,00; EUR 10,00; GBP 100,00.

მომხმარებელმა განახორციელა ტრანზაქცია: USD 80,00.

### ჩამოჭრის სქემა:

- სისტემა პირველ რიგში დაადებუტებს მომხმარებლის ანგარიშს 80,00 USD და რადგან ანგარიშზე სრულად არ არის თანხა, დაიწყებს სხვა ანგარიშებიდან თანხების შეგროვებას.
- USD ანგარიშიდან ჩამოჭრის არსებულ 50,00 USD
- დარჩენილ 30,00 USD სისტემა წამოიღებს სხვა ვალუტის ანგარიშებიდან:
  - 10 EUR → კონვერტირდება მიახლოებით 11,00 USD;
  - დარჩენილი 19,00 USD → იფარება GBP ნაშთთან კონვერტაციით 14,00 GBP
- ტრანზაქცია სრულდება

### ტრანზაქციის შემდეგომ დარჩენილი ბალანსი ანგარიშებზე: GEL 0,00; USD 0,00; EUR 0,00; GBP

თუ ტრანზაქცია შესრულდა ბარათის ანგარიშებისგან განსხვავებულ ვალუტაში თანხა იჭრება ბანკის კლირიგის ვალუტაში (GEL) ლარის ანგარიშიდან. თუ ლარის ანგარიშზე არაა საკმარისი თანხა, სისტემა იწყებს თანხების შეგროვებას ბარათის ანგარიშებზე არსებული ნაშთებიდან, აკონვერტირებს ლარის ანგარიშზე ბანკის კომერციული კურსით.

### მაგალითი:

ბარათის ანგარიშზე მომხმარებელს აქვს შემდეგი ნაშთები შესაბამის ვალუტებში: GEL 5,00; USD 10,00; EUR 0,00; GBP 100,00.

მომხმარებელმა განახორციელა ტრანზაქცია: TRY 700,00. TRY (თურქული ლირა არ არის ბარათის ანგარიშის ვალუტა)

### ჩამოჭრის სქემა:

- სისტემა პირველ რიგში დაადებეტებს მომხმარებლის ლარის ანგარიშს 700,00 თურქული ლირის შესაბამისი ექვივალენტით. მაგ: 43.00 GEL და ჩამოჭრის ლარის ანგარიშიდან არსებულ 5,00 GEL. რადგან ანგარიშზე სრულად არ არის თანხა, დაიწყებს სხვა ანგარიშებიდან თანხების შეგროვებას.
- დარჩენილ 38 ლარს სისტემა იღებს სხვა ვალუტის ანგარიშებიდან:
  - USD ანგარიშიდან დააკონვერტირებს და გადაიტანს ლარის ანგარიშზე არსებულ 10,00 USD → 27,00 GEL;
  - დარჩენილი 11,00 GEL → იფარება GBP ნაშთთან კონვერტაციით 4,00 GBP.
- ტრანზაქცია სრულდება

**ტრანზაქციის შემდეგომ დარჩენილი ბალანსი ანგარიშებზე: GEL 0,00; USD 0,00; EUR 0,00; GBP 96,00.**